



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Defensio Abbatiae Imperialis S. Maximini**

**Zyllesius, Nicolaus**

**Treveris, 1638**

48. Caroli Audacis Burgundiae & Luxemburgi Ducis Protectorium Anni  
MCCCCLXXIII.

**urn:nbn:de:hbz:466:1-14268**

*Caroli Audacis Burgundiae & Luxemburgi Ducis Protectorium Anni MCCCCLXXIII.*

**K**AROLVS DEI gratia Dux Burgundiae, Lotharingae, Brabantiae, Limburgiae, ac Luxemburgiae, Comes Flandriae, Arthesij, Burgundiae, Palatinus, Hanoniae, Hollandiae, Zeelandiae, & Namurci: sacrique Imperij Marchio ac Dominus Frisiae, Salinarum & Mechliniae: Vniuersis & singulis nostris locum tenentibus & Gubernatoribus in Ducatu nostro Luxemburgiae, & cunctis alijs Iudicibus & Officiarijs nostris, ad quos id pertinebit, aut poterit pertinere, vel eorum locum tenentibus salutem. Cum ex iure nostri Ducatus Luxemburgiae, nos Ecclesiae & Abbatiae Sancti Maximini iuxta urbem Treuiris sitae, simul & agrorum, praediorum, censuum, villarum, reddituum, possessionum, & bonorum quorumcunque eis pertinentium conseruatores ac protectores simus: Significamus vobis nos in hac parte nostro iure vsos, simul singulari quadam deuotione & affectione, quam erga eandem Ecclesiam & Abbatiam, eiusque religiosos, & supposita, simul eorum agros, praedia, census, villas, & redditus, in capite & membris, eorumque famulos, officarios & ministros his litteris cepisse ac posuisse, capere & ponere in nostrae protectione & clientela speciali, dumtaxat ipsorum personarum tuendarum gratia: nec non & Iurium conseruandorum. Quare his praesentibus vobis districtè praecipimus, & mandamus, eisdem religiosos, ac supposita huius Abbatiae tenere, & seruare, ex parteque nostra teneri & seruari facere in cunctis eorum iustis possessionibus, Iuribus, immunitatibus, vsibus, libertatibus, vsucapionibus, in quibus reperietis eos esse, ac eorum praedecessores pacificè & antiquitus fuisse. Simul quoque vobis praecipimus illos custodire ac tueri, ex parteque nostri custodiri tueriue facere ab omnibus iniurijs, violentijs, nocementis, oppressionibus, molestijs: vi armata, saeculari potentia, armatorum hospitio & a cunctis alijs inquietationibus & nouitatibus indebitis. Quae si in praedictum huius nostrae Clientelae Religiosorum subditorumue patrata, esse fuisseue scietis, confestim & sine mora in integrum & primum statum reducat & reponatis: reduci, reponiue faciatis. Ac ob id satisfactionem condignam, & nobis & illis factam esse curetis: Atque hanc praesentem nostram clientelam locis & personis, quorum interest, aut pro quibus vos interpellauerint, promulgari, intimari faciatis. In cuius signo ac documento imminente periculo pallos & vexillos insignijs, armisque nostris insignitos super fores huius Abbatiae, praediorum, proprietatum, possessionum, & quorumuis honorum ad eam pertinentium figere, atque inseri faciatis inhibitionem & prohibitionem ex parte nostri cunctis nostris subditis, & alijs quorum intererit, facientes aut facere curantes, ne eidem Abbatiae, eius Religiosis, subditis, iuribus, & rebus supradictis quispiam noceant, contra eae attemptent, nec quouis modo noceri, attemprariue patiantur. Quin ad cuncta haec promptius exequenda, supradictis Religiosis vel eorum ministris vnum, pluresue satellitum nostrorum, siquidem opus erit, & fueritis requisiti, eorum sumptu praesteris & deputeris. Quibus nihilominus omnem causae cognitionem prohibemus. Datum in Castello nostro Luxemburg die xiiii. mensis Septembris. Anno Domini Milleesimo quadringentesimo septuagesimo tertio.